

Powšitkowne WOZJEWJENJA

njedźelu, 28. februara 2021

Wusyłanje Božemu mšow

Serbskorěčnu Božu mšu móža wěriwi tutu njedźelu, 28. februara, znova jako live-stream w interneće scěhować. Dopoldnja w 9 hodź. přenjese so wona z Chróšćanskeje, dalša hižo we 8.30 hodź. z Kulowskeje cyrkwy. Linkaj stej na internetowej stronje www.posol.de/wozjewjenej.

Termíny dekanatneje młodžiny

Dekanatne dušepastyrstwo za młodžinu přeprašuje na tři zarjadowanja w póstnym času. Zhromadna vesper wotměje so sobotu, 6. měrca, w 20 hodź. w Chróšćanskej wosadneje cyrkwi. Dalša vesper budže sobotu, 20. měrca, w 20 hodź. w Ralbicach. Křižowy puć modla so młodostni bołmončku, 28. měrca, w 14 hodź. we Wotrowje. Wšitcy su wutrobnje přeprašeni.

Ekumeniski póstny seminar lětsa online

Lětuši ekumeniski póstny seminar pod temu „Swoboda a zamołwitosć křesćanskeho čłowjeka. Kak móžemy zhromadnje žiwi być?“ hodži so jeničce online scěhować. Póndźelu, 1. měrca, w 19.30 hodź. přednošujetaj wjesnjanoša Thomas Martolock a farar Friedemann Wenzel, wobaj z Kumwałda, k temje „Kak smy poprawom žiwi?“. Wšitcy su k tomu přeprašeni. Link je pod www.posol.de/wozjewjeny. Seminar pokročuje póndźelu, 8. měrca. Potom referuje abatisa Gabriela Hesse z Marijineje hwězdy k temje „Z čeho smy poprawom žiwi?“

Chorych a mrějacych přewodźeć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju chorych a mrějacych. K tomu trěbna wěda so w kursu posrědkuje. Štóž chcył so z tym rozestajeć, móže so pola hospicneje služby Carity w Kamjencu pod telefonowym čislom (0 35 78) 37 43 12 za kurs přizjewić. Tam dóstanu zajimcy dalše informacije.

